



203

三巴先生著



# 斷毒論

東都書肆

文刻慶壽四家  
千鍾二酉 發行

## 斷毒論目錄



卷之上



一 痘源

一 癩源

一 癩源

一 疥源

一 卷之下 不時

一 方土異氣

一 形質

一 或難

斷毒論

竹大書齋

一	內外
一	天稟毒氣
一	有毒無毒
一	毒氣和不和
一	定分
一	一生一患
一	諸家病源
一	痘麻無臟腑之別
一	痘麻開氣運
一	傳染非常

一	同氣感應
一	豫防
一	方證
一	避痘
一	避麻
	目錄終



陰毒論 卷一 何處醫癩  
邪者何也。因氣而無形。其邪也毒也。有區別焉。譬猶  
百花之異芬芳。百藥之殊能毒也。邪毒不一。有萬不  
同。故感而傷人。能成萬狀之疾。疾雖萬狀。其本二也。  
曰內因。曰外因。所謂外因者。傷寒痘癩癥疥之類。是  
也。內因者。癥癖狂癩勞極之屬。是也。內因者。陰陽內  
亂而應于外。外因者。陰陽外亂而感于內。皆陰陽之  
沴氣。合湊而成疾。經所謂氣合有形者也。寔變化之  
父母。生殺之本始。不可不審察也。但外因中。若傷寒  
者。無形之邪。時行于冥冥之中。不可視。不可察。故曰。  
非君子固密。則難避矣。若痘癩癥疥者。有形之毒。可

視可察。是以雖常人易避矣。何者。觸之則疾。不觸則  
不疾焉。然癥疥易治。痘癩難治。世人能知癥疥之可  
避。惡之如寇讎。於痘癩之難治。親之如女色。悖於好  
生。惡死之常情者。何也。蓋俗習之弊然也。然而毒氣  
熾盛。家病戶斃。則人人憂性命之難持。忙然神佛並  
禱。巫醫俱奉。惛惛憤憤。不識所賴。於是欲遽過一厄  
而後就安。數狎昵病者。投生身於死地。猶蜚蛾之撲  
燈火也。噫嘻。使百半之壽。夭於襁褓之中。以非命歸  
于天。莫之能悟。悲哉。至艸醫輕薄之徒。纔持一二方  
書。延首遲痘癩之流行。竊圖弋生計之充足。只利是

貪毫無仁愛之心。何異梓匠之利人之天橫乎。對其死者。謾言胎毒之所爲。孰克治之。或言歲氣之所使。人力不及。醫託之天命。俗安之因果。然此言也。非今人之言。古人已言之。豈非違聖教乎。經曰。聖人不治已病。治未病。不治已亂。治未亂。夫病已成而後藥之。亂已成而後治之。譬猶渴而穿井。鬪而鑄兵。不亦晚乎。夫八風五疫之無形。猶有聖人避之法。況於惡毒有形而傳染者乎。德雖不肖。受先人之遺業。三十半于茲。每診疾病。鑑古今方籍。焦思刻心。不敢輕忽。然後粗知疾之治不治。況於痘癩之有形世俗亦能決

治不治者乎。驗其病證。順者不藥而愈。逆者雖治無救。徒束手待斃而已。天札難救。禍殃無極。是則非天行疾疫之比。視其如是。則雖癡愚不能不憾痛也。德乃發多聿之蘊積。明人身參天地。與氣合而有形之源。而昭之聖言。則豁然如拂雲霧。見白日。古今醫流。謬妄之說。冰解瓦解。不攻自潰。於是祛區區之方論。撥世人之矇昧。壹奉聖人治未病之教。欲以豫備未然。防未萌。而使萬世無疆之人。得躋於壽域矣。夫人身參於天地。氣合而有形之言。不翅傳染有形之毒。推擴之於萬病。而無一不吻合者。則能解此一言者。

則知萬病之源。不惑古今之謬說耳。

痘源

痘者古昔無有焉。其初異域之疹氣。命湊於人身。以成一種之異病。舟車之所通。人跡之所屆。傳深周流。殘害天下古今之生民者也。按此毒。東晉元帝。建武丁丑。從虜傳焉。外臺秘要引肘後方云。按肘後方載流行陶弘景著百一方。在南齊明帝永元二年庚辰。先永徽百五十餘年。是必後人錯亂本文。故今從外臺之舊。比歲有病。天行發斑。頭面及身。須臾周匝。狀如火瘡。皆戴白漿。隨決隨生。不即療。劇者數日必死。療得瘥後。瘡癥紫黯。彌歲方滅。此惡毒之氣也。世人云。

以建武中於南陽擊虜所得。仍呼為虜瘡。是即豌豆胞瘡。後世所謂痘是也。後世誤認肘後方云建武中。以為東漢之牛號。葛洪東晉人。謂比歲有病。則痘之起於東晉建武必矣。李時珍謂昉於東晉是也。見于本州

綱目升或人。以傷寒論云。風氣相搏。必成癰瘕。身體麻附方。或人。以傷寒論云。風氣相搏。必成癰瘕。身體為痒。痒當作癢。原本誤下同。痒者名泄風。久久為痂癩。以為痘也。痘之有膿。不可謂癰瘕。謂久久為痂癩。亦不與痘的當。病源候論。別傷寒豌豆瘡。時氣胞瘡。熱病胞瘡。疫癘胞瘡。各立門。煩重消病源。外臺秘要有豌豆疱瘡門。而混戴白漿者於天行發斑門。蓋戴白漿者。固

非發斑也。古方書病源。孟浪如是。其他後世方書。病源論說悉非也。若其名目稱天花瘡。聖瘡。景岳全書百歲瘡。痘疹心印疱瘡。俗畧豌豆胞瘡。曰。疱瘡。胞。通。用。胞。者。起。水。泡。之。疾。無。痘。時。已。有。此。字。淮。南。子。所。謂。潰。小。胞。而。發。瘡。疽。是。也。皆濫名也。古此毒之行。從異域流入于中原。衆庶畢染。免之者。千萬中一二耳。故每流行隔數年。隔數年之故。古方書皆屬之。大人病門中。以外臺秘要云。永徽四年。此瘡從西域東流于海內。按之。至唐代尚從外國傳而疾。可見非本來地氣之所為。固戎狄一種之有形惡毒也。我日本。

聖武帝。天平七年。乙亥。從海外傳。初起於筑紫。忽蔓延海內。名曰謨加沙。續日本紀云。七年乙亥。八月丙午。太宰管内諸國疫瘡大發。百姓悉卧。十一月壬寅。是年頗不稔。自夏至冬。天下患豌豆瘡。夭死者多。俗曰。裳瘡。續古事談。瑤囊鈔等云。筑紫漁人。漂流于新羅。初染此毒。來按裳衣。裾之總稱。衣訓。姑。魯。謨。裾。訓。速。索。仍畧訓。裳。曰。謨。速。索。後世倍畧。其訓曰。謨。固非古訓。古之所謂謨者。死喪之喪耳。蓋痘毒傳來之初。老少共病。死殫無數。日挽喪柩。故名之。喪瘡乎。喪訓。謨。瘡。訓。加。沙。史。作。裳。瘡。疑傳。寫。之。誤。後世轉曰。意。謨。意。者。語。之。發。聲。也。上自一人。下至億兆。免此殃者。幾希也。後二十有九年。淡路廢帝。天平寶字七年。癸卯。有此殃。按續日本紀。不記疫瘡。特記疫癘。雖然。延曆庚午。記云。年三十己下者。悉發。豌豆瘡。則癸卯之痘也。明矣。果非痘。則自天平乙亥。至延曆庚午。五十有六年。又二十有八年。何持三十己下者而已。



桓武帝延曆九年庚午有此殃。續日本紀云九年庚午十一月辛酉是年秋冬京畿男女年三十一已下者悉發垵豆瘡卧病者多其甚者死天下諸國往往而在按垵當作晚原本誤自是以降自西自東自南自北流于郡國傳于邨落或襲入

禁闕深宮今也其期大率六七年至大國大都連年不絕蠶食而行抑自天平傳此毒千餘年于今生民之災害莫甚焉而無自發之者遠傳近染毒氣迅速似難免者故古今皆以為生涯必一患之病反相賀其傳染無敢忌避之意未嘗曉死痘之罹非命俗習之弊悲哉不特痘而已麻也癩也疥也共疹氣有形

之傳染非難避疾避則必免不避則冒

麻源

麻亦古昔無有焉其初異域之疹氣合湊於人身以成一種之異病傳染周流恰如痘之巡行郡國屢巡行萬國而殘害乎古今之生民者也按

和漢多名目所謂傷寒斑瘡天行發斑溫病發斑溫

毒發斑。唐以上諸方書麻亦全書云在江右湖廣曰麻保

折麻疹二字單用癩矣疹字从疹疹者古之鬚字皮膚細癩戴毛疹者總謂之疹釋名云疹也按方書

得診見可謂鑿也諸瘡有形者皆得診見麻疹古今集韻作疹軫髮同音取意軫星主風乎

麻疹。濟世全書廣韻糠瘡瘡證治準繩云在北人謂之



虛出於肌中者。誤矣。從來此毒每發。不必待夏時。亦不待發汗吐下後。固是一種之惡毒。傳染而為大疫。或人以金匱云。陽毒之為病。面赤斑斑如錦文。咽喉痛。唾膿血者。為麻毒。失矣。麻毒決非升麻鼈甲湯所宜也。若東漢有此癘疾。則仲景之立方。豈如是耶。顧此毒從戎狄傳來。與痘不遠矣。於我

日本。則先於痘之傳來。遠矣。按日本書記。

敏達帝十四年。乙巳。有癘疾。日本書記云。十四年。乙巳。三月。丙戌。屬此之時。

天皇與大連率患瘡。又發瘡死者。充盈於國。其患瘡者。言身如被焚。被打。被摧。啼泣而死。其病狀。為麻毒。無疑矣。或人曰。

欽明帝十二年。壬申。百濟獻佛像幡蓋經卷若干。令群臣議之。蘇我稻目曰。西番諸國。壹奉之。

本邦豈獨背哉。物部尾輿。中臣鎌子等諫曰。有天地社稷。何拜蕃神之為。若拜則鬼神必怒焉。於是

帝竟不奉。賜之稻目。令安置于小墾田。稻目忻悅。不翅勤修其道。遂捨向原第。為寺。于時癘疾驟行。人民夭札。於是尾輿鎌子同奏曰。昔日不容臣等之言。致此禍害。

國家。須廢蕃神而求介福。乃命有司。放火於向原寺。并佛於浪花津之堀江。時從百濟傳來麻毒。故國人

歸罪於稻目。仍有稻目瘡之名。恐是乎。從此說。則其傳來。在乙巳前三十有四年。自乙巳至。

聖武帝。天平九年。丁丑流行。續日本紀云。九年夏四月。癸亥。太宰管内諸國。

疫瘡時行。百姓多死。詔奉幣於部內諸社。以祈禱焉。又賑恤貧疫之家。並賜湯藥療之。六月甲辰。朔。廢朝。

百官宮人患疫也。八月甲寅。詔曰。自春以來。災氣發處。天下百姓死亡實多。百官人等。闕卒不少。云云。是

年疫瘡大發。初自筑紫來。經夏涉秋。公卿以下。天下百姓相繼沒死。不可勝計。近代以來。未之有。按天平

七年。已有痘。此記疫瘡者。必痲毒也。以下舉史曰。天下瘡瘡。曰疫瘡。曰小瘡。及改元。禱神。大赦。賑給等之

事。不關于痘者。為例。百五十有三年之間。史所不記。以推流行之次序。

無可考證矣。自天平至。

嵯峨帝。弘仁五年。甲午流行。文德實錄云。仁壽三年二月。庚寅。晦。是月京師。

及畿內。多患瘡瘡。死者甚矣。天平九年。及弘仁五年。有此瘡患。今年復不免。此疫而已。七十有

八年。亦不知有無矣。自弘仁至。

文德帝。仁壽三年。癸酉流行。日本記畧云。延喜十五年。日本記畧云。十月十六日。癸卯。已

除。於紫震殿大庭。建禮門。朱雀門等。有大穢事。為仁壽三年。二月丁巳。以穀倉院。勅鹽。給京師患瘡瘡

者。四月乙酉。頗瘡瘡。漆行。人民疫死。五月辛亥。美濃國。出穀二千一百斛。給患瘡瘡者。九月辛丑。詔大宰

府。出穀三萬八千七百餘斛。賑給管内患瘡瘡者。類聚國史云。仁壽二年。瘡瘡流行。人民疫死。按古今痲

毒之行。未有周二歲者。疑傳寫之誤。但貞觀五年。效也。四十年。自仁壽至。

醍醐帝。延喜十五年。乙亥流行。扶桑畧記云。十五年秋。天下瘡瘡。都鄙無

一免者。夭亡之輩。盈滿朝野。十月十一日。戊戌。天皇有御瘡瘡事。日本記畧云。十五年冬。十月二十六

日癸丑大赦天下云云是依疱瘡流行之愁也如是院年代記云十五年乙亥夏天下疱瘡帝患之六十有三年亦未審其有無矣按日本記畧延長三年

帝患皰瘡日本記畧云三年乙酉六月十三日甲戌天皇患皰瘡按于時帝年四十有一

先是延喜十五年已患之何再患痘之有是即古史

所記痘痲渾稱疱瘡明據也蓋痘者延曆以降餘毒

所在有之常巡行郡國而不為海內同時之害痲者

周流萬國故隔數十年適為海內一般之殃是以史

之所記痲者關

國家之大事痘者散在其間證據自分明也自延喜

至

村上帝天曆元年丁未流行日本記畧云元年六月晦癸未今月以後疱瘡

多發人庶多傷有童謡言八月十五日丙申為攘除

瘡瘡於紫震殿建禮門朱雀門三箇所有大後去六

月間歲三十以下男女頗小瘡今月以後尤熾盛其

瘡為體或如粟或如豆去延喜十五年有此瘡世號

疱瘡十七日戊戌天皇上皇共惱瘡瘡十九日

庚子賑給各米百斛鹽三十籠於東西京仍瘡瘡及

赤痢也九月五日丙辰大赦依瘡瘡祈也冬十月五

日丙戌女御藤原述子卒於東三條第歲十五依瘡

瘡之間生產也按今尚多痲後患赤痢者臚中

發疹之所為也所謂如粟如豆者痲之夾痘也三十

有三年自天曆至

圓融帝天延二年甲戌流行扶桑畧記云二年八月九

賤大者多矣伊尹朝臣四男右近少將義孝瘡瘡面

前坐建禮門朱雀門大掖依天曆元年八月十五日  
 之例是為除痘瘡災也九月八日癸丑奉幣於伊勢  
 以下十六社依痘瘡災也閏十月十七日辛酉伊勢  
 齋王隆子女王卒于齋宮依痘瘡之病也百練抄云  
 天延三年六月十五日始自今年被獻東遊二十有  
 走馬等於祇園社依去年痘瘡時御願也  
 八年自天延至

一條帝長德四年戊戌流行扶桑畧記云四年戊戌  
 七月間京師男女死者甚多下人不死四位以上人  
 妻最甚外國不死世謂之赤斑瘡自天皇至庶人  
 貴賤老少緇素男女無一免者五年正月改元為長  
 保依去年赤斑瘡疫也日本記畧云四年七月天下  
 衆庶煩痘瘡世號之稻目瘡又號赤痘瘡天下無免  
 此病者但前信濃守佐伯公行不患此病百練抄云  
 四年自夏至冬斑瘡流行死亡者多古老未見如今  
 年者按扶桑畧記云正曆四年秋比天下有痘瘡疫  
 蓋痘也長德前纔五年何有麻二十有六年於是乎  
 毒流行天下二字必記者之誤

史始有赤斑瘡稻目瘡赤痘瘡之目自長德至

後一條帝萬壽二年乙丑流行扶桑畧記云二年自

日本記畧云二年九月二十八日丁未定考自夏  
 至秋天下患痘瘡和漢合運云夏及秋多赤痘瘡二

十有八年自萬壽至

白河帝承曆元年丁巳流行扶桑畧記云元年八月

敦文親王薨歲僅四歲上自一人下至庶人莫不患  
 赤痘瘡矣親王公卿五位以上逝者多焉百練抄云

元年今年上自后宮大臣下至庶人皆患赤斑瘡親  
 王公卿以下逝者多權右中辨師賢一人免此難敦

賢敦文兩親王依痘瘡薨承保四年十一月有二十  
 月十七日改元為承曆依早魁並赤斑瘡五十有二

年榮華物語云亞加謨隔距之遠有說暫置諸自承  
 加沙五十三年而來

曆至

堀河帝。嘉保元年。甲戌流行。扶桑畧記云。寬治八年正月十六日。戊子。陽明門女院禎子崩。歲八十五。赤斑瘡所害也。百練抄云。寬治八年十一月十五日。改元為嘉保。依瘡瘡也。十有八年。自嘉保至。

鳥羽帝。永久元年。癸巳流行。百練抄云。元年正月。近二十年。自永久至。

崇德帝。太治元年。丙午流行。百練抄云。天治二年正月廿二日。改元為太治。依瘡也。十有四年。其期最邇矣。自太治至。

近衛帝。康治二年。癸亥流行。本朝世紀云。二年五月。御瘡瘡。六月廿四日。己酉。三品雅仁親王。室家夭亡。歲廿八。產後煩瘡瘡也。九月十四日。庚午。權中納言藤公教卿。參左仗。被行非常赦事。太內記藤令明。草進詔書。依天下瘡瘡。並行臨事御祈也。十五日。辛未。

上皇御惱。瘡瘡之後。邪氣相加。頗危急。廿四日。庚辰。自今夜。主上御瘡瘡事。廿七日。癸未。主上御瘡瘡。未復尋常。又待賢門院。同煩瘡瘡。廿八日。甲申。於三所。有大穢事。依天下瘡瘡也。二十年。自康治至。

二條帝。應保元年。辛巳流行。百練抄云。永曆二年。九月四日。改元為應保。依瘡瘡也。十有九年。自應保至。

高倉帝。安元元年。乙未流行。百練抄云。元年三月五日。天下流行。被行御祈等。兼安五年七月廿八日。改元為安元。依瘡瘡。並世上不開也。和漢合運云。天下瘡瘡。十有五。其期亦邇矣。以上史槩云。瘡瘡。然海內

一齊流行者。非痘也。距安元十有八年。後鳥羽帝。建久三年。壬子。畿內關東。有同時稱瘡瘡。

者。東鑑云三牛壬子十一月九日辛酉若君萬壽  
此此一兩日御不例今日痘瘡出現此事都鄙殊盛  
尊卑遍煩百練抄云三牛十一月十六日甲寅依瘡  
瘡御祈有三所大後四牛正月朔主上自一昨日  
御不豫瘡而無改元禱神等之事疑痘毒乎自安元  
瘡云云

至  
 土御門帝建永元年丙寅流行。百練抄云元年正月

社奉幣使依瘡瘡御祈也元久三牛四月十七日改  
元為建永依赤斑瘡也五月四日被發遣十二社奉

幣使依瘡瘡御祈也三十有三牛自建永至

後堀河帝元仁元年甲申流行。百練抄云元年近日

天下赤斑瘡多有其聞十有九年自元仁至

後深草帝康元元年丙辰流行。百練抄云元年八月

北七日近日世間赤

斑瘡流布上下病惱九月五日壬辰天皇煩赤斑

瘡北五日壬子雅尊親王薨依赤斑瘡也同日三位

中將賴嗣卿薨依赤斑瘡也建長八年三十有三牛

十月十五日改元為康元依赤斑瘡也比比存焉從是而後有

後宇多帝建治三牛丁丑。康元後二十

十有二年花園帝應長元年辛亥。建治後二十

十有五年光明帝康永元年壬午之癘疾。應長後三十有二年

甲以上見園太曆康永四牛九月十六日因天下疫癘左太史小以改元禱

規清澄奏進改元禱神等古例三十條中神及流行年間例之從前蓋癘毒也南北

兩朝鼎革以降難知者須博覽之君子近者人之所

知者則寶永五年戊子流行自秋至冬又經二十有

年



三<sub>一</sub>年。享保十五<sub>一</sub>年。庚戌流行。自秋至冬。又經二十<sub>一</sub>有四<sub>一</sub>年。寶曆三<sub>一</sub>年。癸酉流行。自春至夏。又經二十<sub>一</sub>有四<sub>一</sub>年。安永五<sub>一</sub>年。丙申流行。自春至夏。又經二十<sub>一</sub>有八<sub>一</sub>年。享和三<sub>一</sub>年。癸亥流行。自仲春至仲秋。其流行雖無定期。來去有常。恰如痘之來去。其隔數年者。則巡行萬國故也。或人曰。享和中。清蘇州府醫胡兆新者。來于<sub>一</sub>崎陽。有謂曰。麻之流行。自昔皆有。天時令邪。依人感之輕重。體之強弱。爲凶吉。治之不善。內陷致死。目今唐山年年皆有。較之從前。尤繁重也。倘如是。則異吾子之所說。如何。德對曰。唐山方今。麻毒年年有之者。

非天時令邪之所爲。蓋由大國多人也。何者。目今本邦大都。年年有患痘者。於邊鄙。則不然。是豈大都與邊鄙。天時令邪之所爲。有古今之差。而然哉。由是觀之。唐山麻毒繁重也。亦非天時令邪之所爲。有古今之差也。明矣。管子不謂乎。天不變其常。地不易其則。春秋冬夏。不更其節。古今一也。凡疾之傳染。在人<sub>一</sub>事。而不因天時。是故。亂世之痘。多老壯。治世之痘。唯<sub>一</sub>嬰兒耳。其故何。則當夫戰國力爭時。比鄰互仇。同盟<sub>一</sub>相疑。羽檄尙不傳。況痘之傳染乎。意唐山昇平已久。疆界遠闊。諸道經緯。達於方外。州府巷邑。連綿相接。

故麻毒常追隨人跡。流于東西。行于南北。去來不期。餘毒不消。雖然。唐山亦至邊鄙。邨落人少處。豈年年有之乎。

本邦。天平延曆之痘毒。隔數十年。亦非天時令邪之差。以一齊流行。竭海內之人故也。方今麻毒之行。傳染之勢。急於痘。然非其毒暴於唐山。非天時令邪異於唐山。是亦人事之所使也。何則。痘者。嬰兒之患。麻者。多在壯年。故逆旅深病者。旬日行程。傳於千里之外。未過半歲。流布于海內。普竭其人。而後罷。又隔數年。傳來海外之毒氣。則復作海內之巨害。故史之所

記。今之所視。莫不必從西海流東海。是。以其流行。邇者十餘年。遐者數十年。其期如存如亡。若夫萬壽永曆之際。隔五十三年。亦非天時令邪之所使。幸不傳外國。流行之毒也。以何證之。享和癸亥之麻毒。豆之八丈嶋。獨免焉。是嶋以有流刑之徒。嚴禁舟楫之往來。是故不傳。

本邦之毒也。後歲若傳之。則與萬壽永曆之際。何以異邪。是即所以謂傳染之疾。在人事而不因天時也。嗟。每此毒行。絕世嗣。殞骨肉。夭札之夥。非天行疫疾之可比者也。雖然。疹氣有形。一種之傳染。非難避疾。

避則必免。不避則冒。

癩源

癩亦猶痘麻。古昔無有焉。其初異域之疹氣。合湊於人身。以成一種之異病。遂傳來于

本邦。原非我地之毒氣。故斷無自發者。故盪無賴邪

淫之徒。幽傳冥洙矣。縉紳貴介能避之。未嘗有中其

毒者也。按阿蘭弗兒部略書所記。當

後土御門帝。明應三年。甲寅。西洋期幫國名。一名

亞人。掠亞墨利加州之境。囚婦女於船中。舉衆犯之。

於是倏洙此病。然後蔓延于西洋。故名之曰斯幫私

扑屈。西洋呼諸。又按方書。明弘治末年。起於廣東。因

名之廣瘡。俞弁續醫說云。弘治末年。民間患惡瘡。自

云。究其根源。始于午會之末。起自。西洋傳此毒。而數

年之後。初起於廣東。名廣瘡者。有以哉。夫廣東者。西

洋賈舶所輻湊之地。是必從西洋傳於是。亦無疑矣。

徽瘡秘錄曰。嶺南卑濕而暖。霜雪不加。蛇蟲不蟄。諸

凡穢汚。徽爛易毀。人感之。則瘡瘍易侵。更逢客火交

煎。重虛之人。卽冒此疾。故謂陽徽瘡。可謂臆斷矣。若

嶺南地氣起此疾。則何久待明代哉。至其謂重虛之

人卽冒此疾。則誣亦甚矣。癩之深着。豈特重虛之

耶。又至其謂痘先天之所中。癘後天之所感。則不獨  
陳九韶。後醫亦未曾有覺悟其所因者也。意此毒之  
行於

本邦。亦從海外傳。初起於西陲。按逸史曰。天文中大  
友宗麟。乘亂封殖。與海外諸國私通互市。西洋因傳  
天主教。散金煽惑愚民。西陲爭附。又曰。永祿十二年。  
是歲。夷舶至崎陽。先是外舶往往。至界府及筑之博  
臺。豐之府內。而崎陽地形便湊泊。於是多就焉。蓋是  
時傳之乎。方今。崎陽俗號扑屈。斯幫私扑屈之畧語  
也。又按。永祿天正之際。稱唐瘡。予家藏德本翁無盡  
藏中以唐瘡目之板

本改作梅瘡。蓋私改也。翁氏長田。號知足齋。本列人  
也。初遊京畿。受業曲直瀨氏。遂成一大家。性資天成。沈  
靜寡慾。不屑榮名。好遊四方。不知其終處。世稱神醫。奇術行狀。往往存于口碑矣。方今。筑肥  
俗。稱唐瘡。要之。從海外傳來。不可疑矣。方書多名目。

謂之黴瘡。先醒齋筆記云。此瘡青黑  
蒼白。如物中久雨而生黴者。以病象名之。

謂之廣東瘡。景岳全書廣瘡。證治準繩者。以地名之。謂之楊梅

瘡。石山醫案綿花瘡。茱萸瘡。景岳全書砂仁瘡。黴瘡秘錄葡萄瘡。方

規者。以形名之。若夫謂廣痘。梅瘡。陽黴瘡。黴瘡秘錄天泡

瘡。薄皮瘡。古今醫統天疱瘡。東醫寶鑑楊梅風。濟世全書時瘡。外科正宗

大風痘。大麻風。醫門學楊梅瘋。赤水珠厲瘡。壽世保元菓子瘡。

厲風。普渡慈航楊梅癰。丹溪心法賣瘡。先醒齋筆記皆濫名也。良

竹堂醫案

自古謂陰中廼瘍。

素問至真大要論

陰中蝕瘡。

金匱方論

男子陰

瘡。女子陰瘡。

名醫別錄

婦人陰蝕。

古今錄驗

男女陰瘡。

病源候論下

部疔。妬精瘡。

千金方

陰頭癰。

千金翼

陰邊粟瘡。

外臺秘要血疔。

仁齋直指

小便注桿疔瘡。

證治要訣

曝疔。

儒門事親

蛀疔瘡。

醫林集要溼

陰瘡。

外科精義

蠟燭發。

古今醫統

陰頭瘡。

溼淹瘡。

恥瘡。

醫學綱目

陰

疔。

本艸綱目

玉莖蛀疔。

救急秘傳方

蛀榦瘡。

赤水珠

者。癥為陰瘡。

陰蝕。下疔者。迥別也。又謂橫痃。便毒。疝疔。瘡子。拗中

赤腫。

婦人良方按字書無疝字

血疔。便癰。

儒門事親

腿便疔瘡。

種杏路

岐。疝瘡。羊核。

醫林集要按字書無疝字

陰股疝瘡。

本艸綱目偏癰。魯氣。

醫書大全

魚口橫眼。

魯府禁方

一石米瘡。

證治準繩

騎馬癰。

外科正宗

露

痕。

證治要訣

騙馬墜。

醫學綱目

騎馬癰。

萬病回春按字書無騎字

者。癥為便

毒魚口者。大異也。陰瘡。下疔。便毒。魚口。自古有而不

傳。深癥者。則傳深。毒氣原大異。而治法亦大異也。醫

者。須察其病因。稱癥某證。以正名分矣。香川氏曰。古

稱陰瘡者。大為邇焉。杜撰甚矣。又斥醫流泊俗間謂溼毒者曰。在高山深谷河濱海涯霧露水溼之處者。皆可患此證。而反無病者。而居於通都大邑平康乾燥之地者。多罹此苦。則可見此疾。全是瘀血惡汁所醞。而決非因於溼也。其謂非因於溼。則可也。謂因於瘀血。則不可也。果如其言。則居於溼地者。必為無瘡。

血乎。凡疾之有形。自癰疽疔瘻之太瘍。至座痹癰瘰。蚊蟲蚤蚤之微恙。莫不因於瘀血之所爲。何得謂癰特因於瘀血邪。不唯其說矛盾。未知此毒之在通都大邑。全因於傳染也。鹵莽亦甚矣。陳實功曰。名時瘡。因時氣乖變。邪氣湊襲。若因於時氣。則應不待傳染。而人人自發焉。諸家所說。槩此類。皆不明沴氣傳染之病源。強縱臆見。固莫足取者矣。熟惟傳染之初。直發瘡者。其所感淺也。或未顯一點之瘡狀。而患頭腦苦痛。肢體酸疼。毛髮脫落。咽壞鼻崩。耳聾失音。痰欬癩癩等者。則其所中深也。人各異其所中者。則天稟之自然。而與彼天行邪氣之有表裏。其理何異哉。世人輒以一定方。誤治者多矣。噫。一黴顯之。而不能解脫。則終身爲廢人。雖幸免爲廢人。或幽潛於神髓。傳於胎孕。而爲遺毒。雖然是毒從來。因沴氣有形一種之傳染。故避則必免。不避則冒。

### 疥源

疥之名所由來者。尚矣。然古今其疾三種。而其名一也。古者。隔日一發之瘡。謂之疥。秦漢以降。以肌膚癢。蠡如鱗介。似癬而無匡郭。狀類於癩者。槩謂之疥。古方書所謂。瘡疥。疥瘍。疥癩。疥瘙。疥疥。疥蟲。疥蟲。神農本州

疥蟲。疥痂。蝸疥。名醫別錄。癩疥。肘後方。大疥。水疥。乾疥。溼疥。

馬疥。病源候論。疥疽。久疥。風疥。疵疥。千金方。牛疥。證類本。是也。

後世別傳一種之異病。而都鄙老少相染者。同呼謂

之疥。所謂暴疥。證治準繩。手疥。醫學綱目。砂疥。醫學入門。細疥瘡。秘方

集驗。砂瘡。明醫指掌圖。是也。如萬病回春。謂牛皮疥癩。濫名

也。如聖劑總錄。謂赤黑丹疥。或痒或燥。不急治。遍身

即死者。則赤遊火丹之種類。非古方書之疥。又非後

世之疥。是皆溷證濫名。醫流之一大痼癖也。後世之

疥者。古之所無。而從異域傳來。無亦異乎痘癩癥之

傳來耳。按疥字。从疒从介。介古作介。从人从八。八者。

別也。人介于中間之象也。故曰。隔也。間也。古介于賓

主之間。助禮儀。謂之介。言介居于中間。不改其操也。

易所謂介于石。詩所謂介福。傳所謂偪介等。堅確不

後之義。皆本于此矣。故从疒為間。日期時。病操不改

之病名。蓋古訓也。後轉取意介冑鱗介。呼肌膚癢蝨

者。稱之疥。按以疥為瘡。始見於國語。云。齊魯譬之疾。

疥癬也。唐啖助。嘗有言曰。左氏傳。國語。屬綴不倫。序

事乖刺。非一人之所為矣。德亦以惟。漢儒據。撫史策

之殘逸。擬作左氏之國語矣。左氏傳曰。齊侯。疥遂疔。

疔。有熱瘡也。遂之為言。序成其事也。以文理推之。非

瘡變爲疔。明矣。梁主讀遂字以謂疥當作疥。疥一曰  
一發瘡也。是說蓋本于說文。疥二曰一發瘡。疥搔也  
之謬註。按素問瘡論初說疥瘡。其下有是以日作之  
辭。而後自間日次第說及諸瘡。是則疥之日作瘡者  
分明也。註家或爲總稱。誤矣。病源候論爲日作瘡者  
與經文符合。若朱丹溪。虞天民。盧廉夫。盧祖常等。謂  
老瘡久瘡。不足掛齒牙矣。按疥字从疒从亥。亥者辰  
名。陰陽之來往。寒熱之消長。莫一日不由于斯也。故  
从疒爲寒熱日作之瘡名。字義自通。由是觀之。非左  
氏傳誤字。疥者原隔日一發瘡之名。是景侯初疾疥。

得隔日視政事。遂加重爲疔。期年而不愈。所以欲誅  
祝史也。凡諸瘡中。間日者在十之八九。雖患諸瘡者。  
先患間日。而後成諸瘡。素問所論。何有名于疾之寡  
者。而多者反無名邪。若疔字亦亡矣。要之。古者日作  
名瘡。隔日名疥。先寒名寒瘡。先熱名溫瘡。單熱名痺  
瘡。其他三日一發。發作無時。晝夜煩熱。瘡母。牡瘡。勞  
瘡。妖瘡。久年不愈等。謂之疔。瘡名盡矣。問生問曰。靈  
樞經脈篇云。實則筋弛。虛則生疔。小者如指痂疥。其  
奈此經文何。對曰。所謂小者。疔之小者。巢元方謂疔  
目。薛立齋謂小疣子如鼠乳者。是也。而譬之疥瘡。不



唯其窮於譬喻之物。辭氣亦自足見其支吾。是豈古言乎。凡醫書之疎文字。字書之畧醫事。古今之通弊。況素靈之係擬作。謬妄豈止于此乎。雖然。聖言之存。如金鍤之在灰燼中。其在擇之。嗟醫藥之書。始皇尙愛之。而奚不傳。顧斯道之滅息。有甚於秦火者乎。若神農本艸諸疥。先哲既駁此書。以載後漢之地名。爲後人修飾之書。德不敢贅論焉。禮記月令曰。仲冬行春令。則蝗蟲爲敗。水泉咸竭。民多疥癘。言瘡與疫並行也。不謂瘡疫者。舉其多與酷也。疥者。瘡之多者也。癘者。疫之酷者也。後人訛讀此文。以爲癘者。癘也。疥

者。疥瘡也。遂通用癘厲癘三字。溷淆病名。其誤皆本于此矣。左氏傳曰。癘疾不降。民不夭札。癘之爲疫。不須言而明矣。若素問風論。謂癘爲癘風。或名寒熱。後人之詐妄。古何癘疫同字耶。周禮天官疾醫曰。掌養萬民之疾病。四時皆有癘疾。春時有痛首疾。夏時有痒疥疾。秋時有癘寒疾。冬時有嗽上氣疾。所謂諸證。太槩輕疾。唯急者。寒疾耳。雖則爲急者。何特秋時耶。凡四時之癘疾。有甚於是者。焉捨急而濟緩之爲。德於古之禮典。不能知之。然先王掌養萬民之疾病。豈如是乎。顧周禮之補綴。亦必成乎漢儒之手矣。按以

痒為搔癢之疾。固非古訓。痒字从疒从羊。羊性善群。屬南方火。以瘋為病。故从疒。熱疫也。詩曰。天降喪亂。滅我立王。降此蝨賊。稼穡卒痒。豈謂搔癢乎。言稼穡為蝨賊。萎絕。猶民之為疫癘夭亡也。又曰。憂心京京。哀我小心。瘋憂以痒。亦豈謂搔癢邪。如周禮痒疥。須替索之。以辨其誤矣。禮記內則曰。問衣燠寒。疾痛苛癢。而敬抑搔之。古用搔癢字。可以見也。是皆古之疥。與中古之疥。同名異疾之證也。又中古之疥。與後世之疥。異也。何則。古方書謂疥者。必曰癩。曰疽。曰蟲。曰蝨。曰風。曰馬。曰瘦。或與癩連稱。專說疾之

形狀。而未嘗論傳染之病因。偏熏敷汞粉雄硫礬礬之類。徒壓殺其毒耳。倘施之於今之疥也者。則毒氣內攻。可立而見。今之疥者。發而愈。伏而苦。乃人之所知也。是即中古之疥。與後世之疥。同名異疾之證也。後世醫流。不會此義。斷然曰。屬脾經溼毒積熱。或肝經血熱風熱。或腎經陰虛發熱。外科樞要或曰。風毒客於肌膚。其浮淺者為疥。深沈者為癬。證治準繩槩諸方書所說。亦此類耳。皆是不曉此毒全因傳染。固非時令風溼之所發。而曰熱。曰溼。曰風。曰血。更分布數經。謾言風毒之淺深為疥為癬。風毒何限此二者哉。古者無

今之所謂疥者。故其字亦無。傳來之初。誤認病狀之似。謂之疥。既為天下通稱。於今不可改。顧此毒之傳。蓋在于唐以降乎。縱彼邦自古而有之。於我

日本。無有焉。按和名抄。

天曆中源順著

訓疥癩。曰巴多却。

訓

巴多氣訓却

依是觀之。天曆時。未有今之疥也者。肌膚癢

蠡。總稱巴多却。今之疥者。通稱肥前瘡。肥前俗。號曰

小瘡。諱國名也。以其初起於肥前。故名肥前瘡。猶起

於虜者。名虜瘡。起於斯幫私者。名斯幫私。起於

廣東者。名廣東瘡也。肥州古稱肥諾骨尼。後分界前

後。尚稱肥諾密的諾骨的諾骨尼。然則今云疥者。肥

州分界而後。從海外傳。彌蔓于海內。無異痘癩癩之傳來也。明矣。是固非時氣風溼之所發。全因疹氣一種之傳染。故避則必免。不避則冒。

斷毒論卷之上終

論語

卷一

二十四

竹書經

